



ЗАКИР КЪУРТНЕЗИР

СИЗГЕ
БАГЪЫШЛАЙЫМ

А. Б.
Звездина

100

ЗАКИР ҚЎРТНЕЗИР

СИЗГЕ
БАГЪЫШЛАЙМ

Ширлер

38.

Гъафур Гъулам адына
Эдебият ве санъат нешрияты
Ташкент — 1978

Къуртнезир Закир.
Сизге багъышлайым: Шиирлер / З. Къуртнезир.— Т.:
Эдебият ве санъат нешрияты, 1978.
С.—48 б.

Урьметли окъуйыджылар! Къолунъыздаки «Сизге
багъышлайым» адлы китап журналист ве шаир Закир
Къуртнезирниъ экинджи шиирлер джыйынтыгъыдыр.
Оныъ биринджи «Фиданлар» адлы китабынен сиз 1969
сенеси тапыш олгъан эдинъиз.

Шаирниъ сизге багъышлагъан бу китапчыгъында
гонъюллерниъизге якъын шиирлер тапылар, деген умуьтте-
минъ.

Куртнезир Закир. Вам посвящаю. Стихи.
С(крим-тат)

ГОНЪЮЛЬ ДЖОШКЪАНДА

Азиз достлар, Сизге урьметнен
Бир десте гуль алып кельдим мен.
Шиирлерим даима Сизинъле олсун,
Гонъюллеринъиз эшкъ иле толсун.

К $\frac{70403-136}{352(06)-78}$ 123-78

© Гъафур Гъулам адына Эдебият ве санъат нешрия-
ты, 1978 с.

ЛЕНИН ЯШАЙ

Корьмедим мен Ленинин,
Эшитмедим сесини.
Кеч догъгъаным анамдан,
Бильдим оны бабамдан.

Нур толу козьлерине
Тоя-тоя бакъмадым,
Динълеп онынъ сёзлерини
Дерья киби акъмадым.

Чабик адым атышын,
Корьмедим кенъ манълайын.
Лякин гъае-фикрининъ
Манасыны анълайым.

Корьмесем де озюни
Сымасы козь огюнде.
Гъаесинен яшайым,
Сеси чынълай бугунъ де.

Корьмесем де даийни.
Корьгенлеринъ корьгеним.
Кетип онынъ ёлундан
Мырадыма иргеним.

Ленин козюм огюнде,
Иши яшай Ватанда.
Ильам бере эр сёзю,
Гедже, кундюз — эр аньда.

Къыртышларны гуллеттик,
Дайи Ленин къол тутты.
Тельде нурлар юрсеттик,
Елун Ленин корьсетти.

Ленин яшай! Оны корем —
Миллионларнынъ бахтында.
Ленин яшай! Оны корем —
Инсанларнынъ тахтында.

ЕРНИНЪ ЭВЛЯДЫМ

Мен бу ернинъ эвлядым,
Азиз топракъ — Ватаным.
Такъдириим де сеннен багълы.
Сенде акъты ал къаным.

Эй, улу Ер, азиз ульке,
Къальбим Сенинъле туташ.
Тынчлыгъынъа — гоньюль куле.
Къышымынъа — козьде яш.

Нидже къуванч, гъамлар кечти.
Бу белялы башынъдан.
Багърынъ кунеш нуру ичти.
Хошмыз дагъынъ, ташынъдан.

Чечеклендинъ — биз севинсек,
Багъ-багъчалар гулледи.
Аят кельди къыр, ормангъа.
Этраф йырнен гурьледи.

Севем сени, Ана топракъ.
Омюрбилля северим.
Эгер кокке учсам йыракъ,
Кене санъа энерим!

МЕН ШЛАДЫМ

(къаянынъ монологы)

Мен джансыз бир къаям,
Негизим терек —
Шу ана топракънынъ
Багърында ята.
Джансыз олсам да,
Эй, азиз инсан,
Шаадым кечмишке,
омюрде-аятта.

Яшымны асырлар
Ольчей билелер.
Дикъкъатнен динъленсенъ,
Санки джаным бар.
Манъа козь этерек
Баба-деделер
Янымдан кечтилер
Текрар ве текрар.

Биревлер омузда
Сиясы иле,
Магърур топракъчюн
Джаныны берди.
Биревлер бахтыны
Асырлар бою

Арады, булмады,
Артты эп дерди.

Кунь кельди, манъа да
Догъды ал кунеш,
Ешерди этрафым,
Ал къумач кийди.
Бир кунь башыма
Джанавар фашизм
Атешлер ягъдырды,
Яндым ве куйдим.

Келлилер айрылды
Азиз ярындан.
Аналар козь яшы
Дерьядай акъты.
Биревлер умютин
Узди ярындан,
Биревлер коксюне
Иылдызлар такъты.

Нидже козь яшлар
Къурутты бу дженк,
Эсапсыз эвлериниъ
Оджагъы сѣнди.
Дженнетни анъдыргъан
Багъчалы койлер,
Янаракъ куль олды,
Обагъа дѣнди.

Инсанлар сокъакъта
Джап теслим этти,
«Ватан», «Ана» сѣю
Къальблерде къалды.

Енъишнен кельген
Аскер эвлятлар,
Харабе ерлерде
Темеллер салды.

Буларгъа шаадым,
Къальбимде яныкъ,
Коксюмде ачты дженк
Бакъ, нидже яра.
Атта эсапсыз
Излер-тамгъа бар,
Тюзелем мен, гуя
Юрегим ура.

Чокъ беля кечти
Башымдан, достум,
Лякин, гигантдай
Турам мен бугунъ.
Шаадым кене де
Халкълар йырыпа,
Этрафым гуль-чечек,
Оюн ве дюююнъ.

КЪАЛЕМИМ

Аятта чокъ корьдим
Шеньлик, къасвет,
Даима темиз къальбим
Достум олды.
Ынджитмадым дост-эшни,
Эттим урьмет,
Саба-акъшам къалемим
Достум олды.
Олса биле севинчим
Гъам, элемим,
Къолумдан ич тюшмеди
Шу къалемим.
Достлукъ ичюн язды о
Татлы тильнен,
Эйиликлер истедим,
Къалемимнен.
Юкъу къачса козюмден
Къалем иле
Сырлаштым мен, сырымны
Динъледи о.
Къувангъанда сатырлар
Тёкюльдилер,
Кедерленсем ынджынып
Инъледи о.

КЪАЛЬБЪ КЪАЛЬБДЕН СУВ ИЧЕР...

Бойле деген улу затлар
Чокъ узакъ бир заманда:
Инсан ичюн севги-сайгъы
Олмакъ керек Инсанда.

Бир-бирине тиремедир,
Джелькедаш бу адамлар.
Диварлар тик турмасайды,
Чёкер эди тюз дамлар.

Бойле достны дост дерсинъми —
Агъыр кунъде кельмесе.
Яныгъынъа агъламаса,
Шадлыгъынъа кульмесе?..

Биз инсанмыз. Шу дюнъянынъ
Алий, анълы затлары.
Урьмет иле анъылырлар
Эйилернинъ адлары.

Инсанлыкъны къуру кевде
Ташымакъ, деп бильменъиз.
Инсан шанын лекелеп де,
Дост багърыны тильменъиз.

Бир озюньчюн яшамайсынъ
Бар дюньядан вазгечип.
Дост-эшни сев, озюнь севиля,
Дагълар ашып, сув кечип.

Юз кумюшинъ олмаса да,
Тырыш юз дост тапмагъа.
Янгъызлыкъны ич сезмесинъ,
Азыр о сѣз къатмагъа.

Унутма сен, достунъ бинълесп
Олса биле аз экен.
Душманыпънынъ бир данеси,
Тюкли тенде таз экен.

Шу себептен дегенлер ки:
Къальблер къальбден сув ичер.
Бирлик олса инсанларда —
Бу къувет атеш кечер.

ЯНЪГЪЫЗ САНМА

Сен мени янгъыз санма,
Бир озюм къалсам биле.
Ёргунлыгъым сезилип,
Къасветке далсам биле.

Сен мени янгъыз санма,
Черем солгъун олса да.
Сѣйлешем оз-озюмнен,
Юрек гъамгъа толса да.

Сен мени янгъыз санма,
Апа руху анъымда.
Янгъызлыкъны ким север,
Ислер къайнай къанымда.

Мен оларнен сырлашам,
Эш оласынъ озюнь де.
Сарпкъа догъру тырмашам,
Севги гуя козюньде.

Сен мени янгъыз санма,
Хаялларым — ёлдашым.
Арзулар толу геним
«Тек алдгъа!» — дей, джандашым!

ДЕНЪИЗ ВЕ КЪАЛЬБИМ

Денъиз ялысындам,
Сукъланып бакъам.
Зан этем: далгъалар —
Мени саралар.
Мен де оларнен
Толкъунлап акъам.
Ташларгъа урулам,
Къумда чалкъалам.
Орталыкъ тынчлана,
Сакинлик чёке.
Кунеш де аямай
Шавлесин тёке.
Денъизге тикилем —
О сакин ве тынч...
Меним къальбимде
Бар гуя бир кучъ.
Кимерде копюре, —
Сынъырдан таша,
Гурюльдей ве инълей,
Къаядан аша.
Сонъ кене тынчлана,
Хафиф ель исе,
Назлана, назлана,
Ялыны долана.

АРЗУЛАРЫМ

Арзуларым, ах, арзуларым,
Къадирли ёлдашларымсыз.
Сизлер иле яшайым эр анъ,
Сизлер сырдашларымсыз.

Ёкъ, айрылмам аятта сизден.
Арзусыз яшав не демек? '
Мырадынъа ирмек истесенъ —
Биль ки, башыдыр эмек.

МАНЗАРА

Кой акъшамы. Голь янындам.
Кунеш шавлелерини
Дагъ артына
Яваш-яваш сакълады.

Къушчыкъларнынъ сеси тынды,
Эсти хафиф бир ельчик,
Бу хошнутлыкъ, бу манзара
Юрегиме зевкъ салды.

Тарлалардан къайтты эр кес,
Бузав, къозу отлакътан,
Баджалардан кокке догъру
Енелди тюссиз тютюн.

Балыкъчылар шенъ-шерамет
Келеятырлар авдан,
Балаларнынъ шенълигинен
Кече койде эр бир кунъ.

ИЫРЛАРЫМ

Иырларым, йырларым,
меним йырларым.
Сизлерде сакълыдыр
дердим, сырларым.

Эш олдынъыз эр анымда
сиз манъа.
Сизни арап геджем
къошулды тапъгъа.

Кедеримни сизлер иле
больдим мен.
Эфкярландым, сизлер иле
кульдим мен.

Къувангъанда шу семаны
чынълаттым
Дост шонълетип
душманымны агълаттым.

Учкъан атдай багъ-багъчада
чаптынъыз.
Севгилимнинъ къальбине
ёл таптынъыз.

Шунынъ ичюн мен
сизлерге севдайым.
Халкъым ичюн
хызмет этинъиз даим.

Истегим бу: Сизлер
тыныкъ чокъракъдай
Къайнап-къайнап
къальб тёрюнден ташынъыз.

Янъгыранъ, феза далгъалапсым,
пур олунъ.
Булут опыкен къаялардан
ашынъыз!

ЭМШИРЕГЕ

Бойле бакъсанъ — киббарсынъ, амма —
Мераметинъ дюнья къадар бар.
Севгинъ иле яшайым, гузель,
Арзулайым корьмеге текрар.

Дертке дерман эр арекетинъ,
Эджель къачты — севицинъ, джоштынъ.
Лякин, гулюм, дуясынъмы ич,
Дертлериме даа дерт къоштынъ.

Киббар олма — риджам шу санъа,
Мераметинъе бироз севги къош.
Дертлийим, етиш тек сен манъа,
Бахтыма сен сагъ ол, шенълсен, джош!

ЗАРИФЕ

Тарласына кете Зарифе
Кунештен де эрте уянып.
«Без алтын» чёллери куле,
Ишкюзарнен шадлыккъа къанып,
Оглюк-оглюк памукъ джыя,
Иссе къоша халкънынъ ишине.
Акъ чичеклер ача гуя,
Севиндире корьген кишини.
Сёз бергенди бу яш памукъчы
Къурултайда — буюк меджлисте.
Бол берекет джыйып алмакъчюн
Озь сёзюни акълар, эльбетте.
Кунеш ерни опыкенге къадар
Вазифесини беджере эр кунь.,
Арманында юкселе «къарлар»,—
Элял хызметке чеке хош екюн.

* * *

Дейлер ки: мен догъгъан
Вакътымда эвде,
Аджджы козь яш тёкип,
Агълап догъгъаным.
Сонъундан эш олды,
Манъа кульки, йыр.
Шенъликнен кечмекте
Бу джошкъун омюр.
Йырламакъ шундандыр
Къалгъан бир адет,
Аятым парлакътыр,
Елумда сеадет.
Достларым, ялварам:
Этменъиз айып —
Догъсам да мен агълап.
Олерим йырлап.

О М Ю Р

Омюр кече,
Сорамай сенден,
Эп къартлыккъа
Догъру кетесинъ.
Тишинъ тюше,
Агъара сачынъ...
Ниаеъ сонъки
Нокътагъа етесинъ.

* * *

Юрексиз инсанлар;
севгини бильмез.
Агъызда копирип,
ташсалар биле.
«Сен меним бир данем,
Дживаным», — деген
Сёзюнден афылыкъ
дуюлур илле.

* * *

Севилямек ве севмек —
Пек кыйын иштир.
Севгисиз къальблерде
Омюрлик кыштыр.

ЭР СЕНЕ

Дюнъ сенинънен тарла боюнда
Расткелиштик биз тесадуфен.
Комбинезон кийген алынъда
Ярашкъансынъ даа пек сен.

Ойландым: о назик эллер аджеп
Рулынъ насыл идаре эте.
«Акъ алтын»лы кенъ чёллерде
«Челик ат»ны насыл юрсете?..

Якъынларда мектепли эди,
Энди исе, намы айдавджы:
«ХВС»ининъ сыры ве дерди
Онъа белли — о техникаджы!

Эр сене бу яш комсомол
Памукъ тёке кенъ арманларгъа,
Къальби дей ки: «эп огде ол!
Къошул шанлы, саф адамларгъа!»

СЕНИ КОРЬСЕМ

Сени корьсем — эксиле кыйгъым,
Сени корьсем — гъает къуванам.
Яшлыгъымны хатырлатасынъ.
Юректе шадлы ислер уяна.
Бир данесинъ, азиз гузелим,
Тебессюминъ манъа бир бахшыш.
Сени корьсем умюдим арта,
Баарыге дѣне атта къара къыш.
Яй киби о кыйгъач къашларынъ —
Тююлирсе гонъюлим сызлай.
Сен дуймайсынъ, юрегим сѣне,
Аджджы-адджджы козь яшым тамлай.
Ай киби юзюнде теббесюм корьсем,
Арзуларым къанат керелер.
Сени бир ан, къальбиме кетирсем,
Гуя чынълай чѣллер, дерелер.
Сени корьсем — бу алсыз гонъюлмден
Къасеветлер эреклей, къача.
Сени корьсем, севимлим, билъ сен,
Къальбимнинъ тѣрюнде чечеклер ача.

ГУЛЬ

Яшлыкътан юрегим
Гуллерге ашыкъ,
Гъурур ве севимчинен
Багъчада кезем.
Гульсиз къаршыламай
Яресин ашыкъ,
Гуль джыйсам, къальбимде
Шадлыкълар сезем.
Бугунъ де бир топ гуль
Кетирдим санъа,
Дживаным, байрамнен
Тебрик этмеге.
Бааринъ — байрамынъ,
Яшлыкъ девранынъ
Зевкъ иле сефанен
Кечсин, демеге.
Яшлыкътан гуллерге
Юрегим ашыкъ,
Бугунъ де бир къучакъ
Бахшыным — шу гуль.
Санъа деп джыйдым мен.
Азиз дживаным,
Севгимнен ашладым —
Бу шакъа дегиль.

КОЗЬЛЕРИНЪ

Севадайым мен, эй, дживаным.
Шу зейтун козьлеринъе.
Чокътан ашыкъ олгъаным
Бал тамлар сёзлеринъе.

Эки козюнъ — санки атеш:
Тикийдикче якъалар.
Олар манъа, дерсинъ кунеш,
Шадлыкъ иле бакъалар.

Пек ялварам, о козьлернен
Къальбиме гъам быракъма.
Ред этиджи сёзлеринънен
Якъма мени, дост, якъма.

ЮРЕК ЯНА

— Севесинъми, йигит? — деп
Ничюн суаль ташладынь?
Бильмейсинъми, гузелим, —
Къальбке севги ашладынь.

Бир данемсинъ дюньяда,
Шавле сачкъан йылдызым.
Джан-гонъюльден севдим мен,
Севгилинъ тек — бир озюм.

Къашынъ къыйгъач яйдайып,
Бакъсам къальбим талпына.
Корюшкенде чапалана —
Юрек сыгъмай къалпына.

— Севесинъми? — деме энди,
Гонъюль зорнен даяна.
Шу адынъны ангъан сайын,
Юрек туташа, яна.

СЕВГИНЪ ИЛЕ

Эй гузелим, чокътан берли
Асретликте яшайым.
Ишим ойле, дѣнмем кери,
Алдгъа адым ташлайым.

Севгинъ менчюн — нурлы йылдыз,
Айдынлата ёлумны.
Шу йылдызынъ кунеш олып,
Тута менни къолумны.

Гъам-къасевет тюшсе башкъа,
Севгинъ ёлдашым ола.
Къувет бере дагъгъа-ташкъа,
Къальбим севинчке тола.

Ах, гузелим, бир данемсинъ,
Севгинъ иле яшайым.
Умютимни кесмейим ич, —
Сеннен ишке башлайым.

САДЫҚЪЫМ

Кедерленме, бакъма бойле шубели,
Йигитим мен — саф севгимле къалырым.
Кин тутма ич, эй, коюмнинъ гузели,
Сенинъ ичюн буз-дерьягъа даларым.

Чыдамасам сенинъ сынавларынъа,
Йигитим, деп баш котерип юрмездим.
Сен олмасанъ аятымнынъ манасын,
Чин севгининъ нешэсини сезмездим,

ТИКЕНЛИ САТЫРЛАР

ГЪАЗЕЛЬ

Мен сени корьмек истеп, багъ-багъчалар кезмектем,
Эгер тапмай къалсам, дюльбер, къальбде элем сезмектем.
Козь огюмден ич де кетмей шу муляйим бакъышынь,
Къыдырам ве ах чекем де, юрегимни эзмектем.

Не олурды келип къалсанъ, къальбиме къуванч толса,
Эреклесе телюке, ёлларымда гуль олса,
Шу Закириниъ эллери индже белинъни сарса,
Достларым севинсе де, душман янып куль олса.

КУНЕШ ВЕ АЙ

Бир кушь Ай макътады озъ-озюни,
Иылдызлар меракънен динъледи сёзюни:
— Кунештен кучюкче олсам да, амма мен,
Дюньяга файдамны бир саям онынънен.

Адымнен ифтихар этсем де келише,
Эр иште данма акъраным Кунешке.
Файдасыз кезмейим семада доланып,
Нурларым шевкъ бере торс геджелер янып...—

Кунеш де эшитип къопайгъан Айны сонъ
Кулerek, шай деди:
— Бакъынып сол ве онъ
Сёйлөнсенъ олмаймы?..
Копюрме нафиле.
Нур ве шевкъ теннинъде ёкътыр ич,
Мен иле
Топракъкъа нур келе.
Сен биле тек менден,
Ярыкъны аласынъ,
Ёкъ буны билъмеген.

Кунешнинъ лафындан кыызарды Ай шу ан,
Сусты ве булуткъа сакъланды яваштан.
Базы бир шахслар тыпкъы шай макътана,
Сёзю чокъ, иши ёкъ, озюни пек анъа.
Биревнинъ ишинен кёпайып тилинде,
Масхара оалар куньлернинъ биринде.

ИЧКИДЖИЛИК

Ярым окъкъа достум олды,
Ракъы ичсем гонълюм толды,
Севинчлерим битмез олды,
Кейфлендирди ичкиджилик.

«Къырмызы»дан тойды козюм,
«Беяздан бер!» — олды сёзюм,
Батырлаштым ичсем озюм, —
Басты баштан ичкиджилик.

Отурыштан къалмадым мен,
Азачыкъкъа къанмадым мен,
Урьмет джойдым, алчалдым мен,
Себеп олды ичкиджилик.

Ичкиджи, деп ад алдым,
Тюпсиз чукъургъа далдым,
Қоллективден айрылдым,
Якъты, йыкъты ичкиджилик.

КЪОМШУМНЫНЪ КЪАДЫНЫ

Бир сокъакъта яшаймыз Мемет иле,
Идареде чалыша, ишни биле.
Бир кимсеге яман сѣз айтмаз озю,
Лякин, эвде давадан тойгъан козю.
Саба кетер хызметке, акъшам къайтыр,
Юректеки дердини кимге айтыр...
Къадыны бар — чалышмай ич бир ерде,
Къавгъа-дава къопара эр бир ерде.
Огют берип айтса да онъа эри,
Акъылына кельгенин къоймаз кери.
Лаф башласа — сонъу ёкъ, агъзы тынмаз,
Шу себептен лагъабы — «Сельме гъаммаз».
Къаргъыш десенъ, ягъдыра сыра-сыра,
Тиль къайтарыр, джевабы азыр тура.
Озъджесине бильгили, алим къадын,
Яз десенъиз атта адын.
Акъайына джекире акъшам-саба,
Сѣзлерининъ дады ёкъ, пек де къаба.
Эр бир шейде эксиклик, янълыш тапа,
Дерсинъ бутюн ишни о озю япа.
Тербиеден лаф чыкъса, санъа сѣз ёкъ,
Балаларгъа эр сѣзю — атылгъан окъ.
Мемет кельсе кечикип иштен бираз,
Сельме кене туташыр, тынч туралмаз:

— Бу насыл иш, не вакъты, саати бар?
Яшайыштаң тойдым мен, кенъ дюнья тар.
Не анъладым сенинъ, эй, бу ишинъден,
Файда кормейим аслы дост-эшинъден.
Эвге кунъде бир шейлер тапып кетир,
Тек айлыкъкъа юргенинъ энди етер!
Мемет шаша, бильмей о не япмасын,
Насыл этип къомшугъа сыр айтмасын.

Къызлар эпси муляйим, назик ола,
Аджеп бойле къадынлар къайдан догъа.
Инсан яшай дюньяда тек бир кере,
Ойле экен, унсурлыкъ кимге керек?



Мааллсмизде бар Бекир акъай,
Ич бир ерде чалышмай, яшай.
Озю сагълам, белинде къует,
Йигитлер киби сагълам эльбет.

Амма чапа четке-буджакъкъа,
Уджуз шейлер къыдырып юре.
Сенден алып, манъа сатмагъа
Пек «кямиль» о, лафсыз беджере.

ТАВУКЪ ВЕ АЛМА

Къызарып турарды теректе алма, —
Ель эсти, тюшюрди ерге.
Бир тавукъ кельди де,
чокъучлап алып,
Тельчелеп ташлады бир де...

Эр шейге гагасын тыкъкъан шу тавукъ
Алманъдан не лезет алгъан.
Юреги ичине киререк, джувукъ, —
Гъальба, къурт къыдырды ондан.

КЪЫСКЪА ШИИРЛЕР

СЕН ЭДИНЪ

Койдешинъе назлы бакъкъан сен эдинъ,
Юрегинде атеш якъкъан сен эдинъ,
Не эйлейим, ёлларымыз айрылды,
Озюнъ кетип, керн бакъкъан сен эдинъ.

СЕЗЮМ КЪАЛСЫН

Эгер юрсем ер юзюнде
Изим къалсын.
Олюр исем, бу дюньяда
Сёзюм къалсын.

АКСИНЕ

Пек ялвара: Эвде ич,
Чыкъмасын деп дубара.
Амма озю бес-бедава
Яйгъараны къолара.

АНА УРЪМЕТИ

Анам ичюн къоялмадым эйкель,
Баш ташы да, язысы да ёкъ.
Лякин, данма коксюмдесир бу эль,
Къальбимде анамчюн урьметим пек чокъ.

АРЗУ

Биринджи бала:

Балабан олып,
Актылым толып,
Ойнамакъны ташлайджагым.
Чёльге барып,
Канал къазып,
Сув чыкъарып,
Ер суварып,
Янъы аят башлайджагым.

Экинджи бала:

Корерсинъ сен,
Буюсем мен,
Москвагъа барырым.
Окъуйберип,
Сонъ битирип,
Гузель, уджуз,
Юксек, уджсыз
Биналарны къуарым.

С. АҚБАРИЙДЕН

* * *

Шиир измакъ
 атомны
парчалавдай муреккеп.
Эбет, кирмек къолай дегилъ
Апъгъа,
 къангъа,
 юрекке.

* * *

Гонъюль шишесини къырманъыз,
Мумкюн олмаз оны къурамакъ.
Гонъюльде гуль ачылмасы ичюн
Адамларгъа керек ишанмакъ.

Х. ТУРУМБЕТОВДАН

* * *

Сагъынгъан кунълериңни
анълаттынъ маңъа.
Сукъланып бетиме
тиктиңъ сен козь.
— Сенинъчюн джанымны
Берейим! — дединъ,
Не керек бу!
Екътырмы башкъа татлы сѣз.
Екъ, джанынъны
Кыйма сен, турсун.
Бойле сагъынгъаныңъ
Маңъа да ете.
Гузелим, севгиңни
Даим пак тут сен,
Омрюмиз дерьядай
Акъа да кете.

* * *

Севмейджек олдым,
Чаре тапмадым.
Афу эт мени сен
Севгеним ичюн.
Севгинъ чечек ачты
Кучюк къальбимде.
Сени севмеге
Етмеди кучюм.

С Е Ф А

Сизге айтам достларым,
Къышнынъ да озъ зевкты бар.
Пальто, къалпакъ кийиле,
Чаналаргъа миниле.

Тюрлю оюн тапамыз,
Къардан адам япамыз.
Алим, Айше, Яялар
Конёкларнен таялар.

Олса биле пек сувукъ,
Кельмей бизге о джувукъ.
Тайып, ойнап юремиз,
Къыш сэфасын сюремиз.

Къызара ал-бетимиз,
Шенъленемиз эпимиз.
Яхшы олды бу йыл иш,
Узансайды бойле къыш.

Къартопачнен ойнаймыз,
Ойнап ич де тоймаймыз.
Этраф дюльбер бем-безе,
Сагъламлыкътыр къыш-аяз.

МУНДЕРИДЖЕ

Азиз достлар, Сизге урметпен	5
Ленин яшай	6
Ериши эвлялым	7
Мен шаадым	10
Къалемим	11
Кальб къальбден сун ичер...	13
Ялгъгъыз саима	14
Денгиз ве къальбим	15
Аргуларым	16
Манзара	17
Гырларым	19
Эмирге	20
Зарифе	21
Дейлер ки: мен догъгъан...	22
Омур	23
Юрексиз инсанлар...	24
Севилямек ве севмек...	25
Эр сене	26
Сени корьсем	27
Гуль	28
Козьлерини	29
Юрек яна	30
Севгини иле	31
Садыктым	32

Гъазель	33
Кунеш ве ай	35
Ичкиджилик	35
Къомшумныи къадыны	38
Маалемизде бар Бекир акъай...	39
Тавукъ ве аяма	40
Сен эдил	40
Сёзюм къалсын	40
Аксине	41
Ана урьмети	42
Арзу	42
Шиир язмакъ...	43
Гонъюль шишесини кьырмагъыз...	44
Сагъынган куньлерини...	44
Севмейджек олдым...	45
Сефа	45

На крымско-татарском языке

ЗАКИР КҰРТНЕЗИР

ВАМ ПОСВЯЩАЮ

Стихи

Редактор У. ЭДЕМОВА
Рисун Г. ОСТАЛОПОВА
Ресимлер редакторы А. ПОНОМАРЕВ
Техникий редактор Е. ПОТАПОВА
Корректор Л. ДЕРМЕНДЖИ

ИБ-431

Басмаханеге берильди 9/1—78 с. Басмагъа рух-сет этильди 20/IV—78 с. Форматы 60×90¹/₁₆. Басма табагъы 1,5. Нешир табагъы 1,1. Тиражы 1000. Р 01257. Гъафур Гъулам адына Эдебият ве санъат неширляты. Ташкент, Навоий сокъагъы, 30. Шартнаме 189—77.

Озбекстан ССР Министрлер Советининъ неширлятлар, полиграфия ва китап тиджарети ишлери боюнджа Девлет Комитетининъ Ташкент «Матбуат» полиграф истисал бирлешмесинде № 1 кягъыткъа басылды. Янгъыл. Самарканд сокъагъы, 44. 1978 с. Сымарыш № 371. Фияты 15 к.